



21. Septemeri 2016

UKA2016/19

Uunga siunnersuut: Soraarnerussutisiaqarnissamut pinngitsoorani aaqqissuussineq pillugu Inatsisartut inatsisaat nr. xx, xx 2016-imeerso

(Aningaasaqarnermut Aatsitassanullu Naalakkersuisoq)

Nunatsinni soraarnerussutisiaqarnissamut pinngitsoorani aaqqissuussinissaq pillugu matumuuna saqqummiussaqaagut.

Nunatsinni aningaasarsiornikkut imminnut napatinnerulernissarput anguniartuartariaqarparput, aammalu uagut namminneq inuttut aningaasarsiornikkut nunatsinnut qaffassaalluta suleqataanissatsinnut piumassuseqarnerulluta ingerlalertariaqarluta.

Nunatsinni sulisinnaasut ikiliartorpugut, tamannalu soorunami siunissamut ernumanarpoq, tamakkulu pissutigalugit siunissamut sillimmaartaarnerunissarput tamatta inuiaqatigiinni peqataaffigisariaqarparput, pisortat kisimik akiliinissaat sulissusinissaallu naatsorsuutigingu.

Qujanartumik inuit peqqinnerulerlutaalu inuunertusiartorpugut, tamannalu aamma assigiinngitsunik malitseqartussaavoq peqqinnissaqarfimmi aningaasat atugassagut katsorsaarnermut amerliartussapput, utoqqaat amerliartuinnartussaapput kommunit Namminersorlutillu oqartussat utoqqarnut isumaginninnermi aningaasalersuinikkut annertuunik siunissami atuilertussaapput.

Tamakkulu sillimmartaarfiginiarlugit taava uagut namminnerluta aningaasalersueqataanikkut imminnut napatinnerulernissarput anguniartariaqarparput, matumanilu pinngitsoorani soraarnerussutisiaqarnissamut akilersuilernissaq saqqummiunneqartoq isumaqatigalugu oqaatigissavarput.

Ilanngullugu oqaatigissavarput sulisartut namminneq soraarnerussutisiassanut aningaasaateqarfimmik pilersitsimanerat assut nuannermat taamaaliornikkut aningaasarpassuarnik katersaqalerlutik milliardit marluk allaat tikillugit sinnerlugilluunniit.

Kammattorusunnarpullu aningaasat katersat nunatsinni aningaasalersuinikkut sunniuteqarluartumik aamma atorneqarnissaat kammattuutigalugu kajumissaarutigaarput.

Taamatut oqaaseqarluta aningaasaqarnermut akileraartarnermullu ataatsimiititaliami suliarineqarnissaa innersuussutigaarput.

Hans Enoksen